

**ÈTĀRĒTIA POROTETANI MĀÒHI
ĀUA PARAUATUA E PIPI ÒROMETUA TEREREATAU**

**Āfata Rata : 114 Haamene / Tahaa / Raro Matai
Niuniu : (689) 40 65 67 47 ; Fax : (689) 40 65 67 46 ; terereatau.info@gmail.com**

**TĀPAÒRAA IÒA O TE MAU PĪAHI
NO TE TAHUA FAAINEINERAA NO TE HAAPĀPŪ I TE HINAARO (TFH)
E NO TE TAHUA FAAINEINERAA ÒROMETUA (TFÒ)**

Ia au i te faaotiraa a te Āpooraa Faatere e te Āpooraa Rahi Āmui (2010) a te ÈPM, ua faaâpīhia te faanahoraa o te faaineineraa Matahiti Īmiraa Rāveā e Āpeeraa Bac (MĪR/MĀB), oia hōi ua faahōihia te faaineineraa o te mau Pīahi i roto i te mau Pāroita mā te arataihia e te Òrometua, te Āpooraa Tiàtono, te Āpooraa Fenua, te Āpooraa Tuhaa, e mā te āpeeihia e te Āua Parauatua e Pipi Òrometua Terereatau, e te Āpooraa Faatere.

No reira, *mai teie atu nei, e faaâhipahia i te faaâpīraa o te faanahoraa o te faaineineraa o te mau Pīahi e hinaaro e faaō i te Āua, e ua mairihia taua faanahoraa ra « **Tahua Faaineineraa no te Haapāpū i te Hinaaro** » (TFH) ia au i te Hohoā i te āpi tāpiri.*

Te auraa, e āpee ia i te faanahoraa mai teie i raro nei :

- 1)- **Te tāpaòraa i te Pīahi i te Faaineineraa TFH-TFÒ.**
- 2)- **Te tāpaòraa i te Pīahi i te Hiòpoàraa TFH-TFÒ.**
- 3)- **Te tāpaòraa i te Pīahi i te Faaōraa i te Āua Pipi.**

1)- Te tāpaòraa i te Pīahi i te Faaineineraa TFH-TFÒ

*Hou te tau faaineineraa a haamata ai, e faatae i te Āua-Āpooraa Faatere (Tiunu), i te mau parau atoā a te Āpooraa Tiàtono-Fenua-Tuhaa e tā te Pīahi, no te tāpaòraa iòā o te Pīahi i te tau TFH-TFÒ. E hāpono māi teie mau parau tāpaòraa i te Āua nei nā roto i te vehi rata i te **Āua Parauatua e Pipi Òrometua Terereatau, Āfata Rata 114 Haamene / Tahaa / Raro Matai** ; e tano atoā e faatae māi nā roto i te « **Fax** » : **(689) 40 65 67 46** ; e aore ia nā roto i te rata roro uira : terereatau.info@gmail.com

1.1-Te mau parau a te Āpooraa Tiàtono, te Fenua e te Tuhaa :

- Rata aniraa no te tāpaò i te Pīahi i niā i te tāpura TFH-TFÒ.
- Parau haapapa i niā i to na oraraa faaroo, to na tiàraa e ta na tāviniraa.
- Parau haapapa i niā i to na huru e to na oraraa ùtuafare e vaamataèinaa.
- Vētahi atu parau e paèpaè i te tāpaòraa o te Pīahi (ÈPM, Vaamataèinaa, etv.)

1.2-Te mau parau a te Pīahi :

- E 2 hohoā āpi, e te mau parau mana : fānauraa, tiàraa taata, haavāraa, tāàtiraa.
- Rata fāiraa faaroo e te aniraa e tāpaò i niā i te tāpura TFH-TFÒ.
- Parau haapāpū i niā i to na mau faaineineraa, tārēni, tōroā, tiàraa, tāviniraa.
- Parau haapāpū rau e te pūite rau na te mau fare haapiiraa.
- Parau hiòpoàraa a te taote.
- Niuniu, « vini ».
- Āfata rata roro uira « Adresse e-mail ».
- Vētahi atu parau e paèpaè i te tāpaòraa o te Pīahi (BAFA, BAFD, parau faatiā faatere fauraò piti huirā 125cm³, peregò uira, poti, etv.)

1.3-E taeaè aore ra e tuahine o tei mau ra i te hoè o te mau Tiàraa Aratai :

- Tiàtono ānei aore ra Haapii Parau Maitai ānei.
- Faatere ānei, aore ra Peretiteni ānei no te hoè o te mau Pū, Āmaa e Tomite Òhipa ÈPM, aore ra Òitumene.
- Faatere ānei, aore ra Peretiteni ānei no te hoè o te mau Pū Òhipa e Tāàtiraa i te pae Vaamataèinaa aore ra Hau.

1.4-E taeaè aore ra e tuahine no roto i te mau Pū Faaineineraa Parauatua :

- O tē tītau ra ia noaa te parau pūite parauatua a Terereatau, i niā i te fāito Papa Tahī oia te «Certificat en Théologie-CT», aore ra te fāito Papa Rua oia te «Diploma en Théologie-DT»,
- E pīahi ānei ua noaa te parau pūite CT aore ra DT a Terereatau, aore ra ta vētahi atu mau Āua-Pū Faaineineraa Parauatua CT, DT e hau atu.

1.5-E taeaè aore ra e tuahine o tei tāvini pāpū mau ā i roto i te Āmuiraa, Āmaa Òhipa, Pāroita, Fenua, Tuhaa :

- Aita ta na e parau pūite, e aita atoā e tiàraa.

2)- Te tāpaòraa i te Pīahi i te Hiòpoàraa TFH-TFÒ

*Hou te tau hiòpoàraa a haamata ai, e faatae te Âpooraa Tiàtono-Fenua-Tuhaa i te mau parau haapapa haapāpū o te Pīahi e to na hoa no te Âua-Âpooraa Faatere i te Âpooraa Faatere no te âvaè Fepuare :

2.1-Fāito 25-35 matahiti te paari. I raro mai i te 25 e i nià atu i te 35, na te Âpooraa Faatere e rave i te faaotiraa taa ê.

2.2-Oraraa ùtuafare tāàtihia, hoê aè matahiti te maoro.

2.3-Tāviniraa tuutuu òre, hoê aè matahiti te maoro.

2.4-Haapaòraa i te faanahoraa TFH-TFÒ, hoê aè matahiti te māoro.

2.5-Na te Âpooraa Faatere e haamana i te Tāpura Pīahi no te Hiòpoàraa TFH-TFÒ.

3)- Te tāpaòraa i te Pīahi i te Faaōraa i te Âua Pipi

*Hou te tau mātiraa e te faaotiraa a te Âua-Âpooraa Faatere, ua rave māite te Tomite Hiòpoà a te Âua-Âpooraa Faatere i te hiòpoàraa TFH-TFÒ i te ārea Māti-Èperēra, mā te fatu i te parau haapapa no te Âpooraa Faatere Mē i nià i te Pīahi e to na hoa :

3.1-Manuia-māite-raa i te hiòpoàraa TFH-TFÒ a te Âua-Âpooraa Faatere.

3.2-Rave-hope-raa i te hiòpoàraa hōhonu e te maitai i te pae no te Ea.

3.3-Mau-pāpū-raa i te parau pūite tiàrautī BAFA, e nā parau faatià faatere fauraò piti huirā 125cm³ e te peregò uira.

**Māitiraa a te Âpooraa Faatere i te âvaè Mē
i te mau Pīahi tāàtihia ei Pipi Òrometua (3 Tāne, e 3 Vahine) no nā Tuhaa e 8**



**Hiòpoàraa a te Tomite Hiòpoà a te Âua-Âpooraa Faatere i te ārea Māti-Èperēra
no te haapāpū i te Tāpura Pīahi i manuia no te māitiraa a te Âpooraa Faatere i te âvaè Mē**



**Hiòpoàraa a te Âpooraa Tiàtono, te Fenua, e te Tuhaa
no te haamana i te Tāpura Pīahi no te Hiòpoàraa TFH-TFÒ
a te Âua-Âpooraa Faatere i te Âpooraa Faatere i te âvaè Fepuare**



1. Te âpeeraa e te haapāpūraa i te Hiroà Oraraa o te Pīahi	2. Te âpeeraa e te haapāpūraa i te Hiroà Ètārētia o te Pīahi	3. Te âpeeraa e te haapāpūraa i te Hiroà Âua o te Pīahi	4. Te âpeeraa e te haapāpūraa i te Hiroà Māōhi o te Pīahi	5. Te âpeeraa e te haapāpūraa i te Hiroà Vaamataèinaa o te Pīahi
--	--	---	---	--

**Faaineineraa a te Âua-Âpooraa Faatere, e ta te Âpooraa Tiàtono, te Fenua, e te Tuhaa
Mā te âpee e te faaōhipa māite i te Puta Haapiiraa TFH-TFÒ a te Âua-Âpooraa Faatere**



**Haapāpūraa i te tāpaòraa Pīahi a te Âpooraa Tiàtono, te Fenua, e te Tuhaa
no te faatae i te Âua-ÂF i te âvaè Tiunu hou te faaineineraa TFH-TFÒ**



**ARATAÏRAA I TE MAU PĪAHI
NO TE TAHUA FAAINEINERAA HAAPĀPŪ I TE HINAARO (TFH)
E NO TE TAHUA FAAINEINERAA ÒROMETUA (TFÒ)
(Parau Haapāpū TFH-TFÒ Âua-Pū-ÈPM)
No te TFH-TFÒ e faaō i te Âua (25-35 matahiti e ua tāàtihia)**

**PŪ ÀIRAA ÛPU RAU ÈPM / ÒITŪMENE
FAAINEINERAA PARAUATUA, ÒROMETUA, E RAUTĪ ÈTĀRĒTIA E VAAMATAÈINAA
ÂUA PARAUATUA E PIPI ÒROMETUA TEREREATAU
FARE HAAPIIRAA POROTETANI - TOMITE POROTETANI A TE FEIĀ ĀPĪ
ÈPM/TAHAA - ÈTĀRĒTIA ÈPM E ÒITŪMENE**